


# Plumalhon

N° 53



MAINATGES  
D'OC

35 P. (5,34€)


ISSN 1264-6733



Guatemala



Lo conte



Leonardo da Vinci



Quand l'estiu es aquí, las cigalas se meton a cantar. Lo mond dels païses mediterraneus, lor agrada aquela musica que s'ausís dins las pinedas o per las eusièras. Mas aurà calgut quatre annadas per que la cigala venga cantaira.

# La cigala

## La vida en cantar

En America del Nòrd, existís una espècia de cigala que la larva demòra enterrada 17 ans. En çò nòstre, la larva de cigala demòra pas en tèrra que quatre ans. Se noirà en chucant la saba de las raïces dels arbres. Puèi, la prima, un jorn de mai, la larva sortís de tèrra. Cèrca una camba d'arbre o qualque branca e i s'arrapa. Plan a l'abric dins la siá plega, comença de se transformar.

La metamorfòsi se passa de nuèch : esquiça la plega, sortís lo cap defòra e desplega las alas. Pòt començar sa vida corteta d'adulte.

La metamorfòsi aurà pas durat que trenta minutas. Lo solelh de la matinada enduresirà las alas mòlas encara.

### La cigala e la formiga

Dins la faula de la cigala e de la formiga, dison que la cigala va trobar la formiga, que li balhe quicòm per manjar. Es un polit conte, mas a pas res a veire amb la realitat, que las cigalas vivon pas delà l'estiu.

### Es lo mascle lo cantaire

Lo mascle canta per far venir las femèlas. Amb los muscles de l'abdomèn, far vibrar una pèl que se tròba sus una mena de caïssa de resson.

### Lo temps d'un estiu

La cigala adulta se noirà totjorn amb la saba dels arbres que ne trauca la rusca. Ara, cal qu'assegure la subrevida de l'espècia. Li demòra pas gaire temps a viure. S'envòla en cerca d'una companha o d'un companhon.

La femèla amaga los uòus dins la tija de qualque planta. Aital las larvas se poirà cloure dins tèrra e contunhar l'anar de la vida.

Tot l'estiu, la sola recompensa de la cigala serà de se reproduir. Se morirà en setembre, a la fin de l'estiu.



2

### Color de rusca

Cal aver bona vista per veire las cigalas per que son de la color de la rusca dels arbres. Se ditz que fan de mimetisme.



4



3



1

5